

INUIT ATAQATIGIIT

Inatsisartuni



02. december 2020

Inatsisartut Suleriaasianni § 37, imm. 1 naapertorlugu apeqquutit uku Naalakkersuisunut saqqummiuppakka:

Naalakkersuisunut apeqquutit:

1. Imigassat ethanolimik akullit Kalaallit Nunaanni sananeqarsimasut akitsuutaat pillugit Inatsisartut inatsisaanni § 3 naapertorlugu, suliffeqarfiit imigassanik akulinnik tunisassiortut akileraaruserivimmi nalunaarsorsimasuussapput. Suliffeqarfiit (annerusut inunnillu ataasiakkaanit pigineqartut) qanoq amerlatigisut Kalaallit Nunaanni, illoqarfinni nunaqarfinnilu nalunaarsorsimappat?
2. Suliffeqarfiit nalunaarsorsimasut qanoq illoqarfinnut nunaqarfinnullu ataasiakkanut agguataarsimappat?
3. Ethanolimut akitsuut qanoq annertugisoq illoqarfinnut nunaqarfinnullu agguarlugu Nunatta karsianut akilerneqartarpa?
4. Suliffeqarfiit nalunaarsorsimasut ethanolimut akitsuutinik akiligassaminnik akiliisarnerat akileraaruseriffiup qanoq ililluni nakkutigisarpaa?
5. Ukiuni kingullerni akileraaruseriffimmit nakkutilliilluni orninneqarsimangitsunik suliffeqarfinnik nalunaarsorsimasoqarpa?
6. Imigassanik aalakoornartulinnik akulinnik tunisassiornissamut akuerineqarnissaq pisariaqarpa? (Imigassat ethanolimik akullit Kalaallit Nunaanni sananeqarsimasut akitsuutaat pillugit Inatsisartut inatsisaanni § 4 naapertorlugu ininik akuersinerup saniatigut kiisalu inuussutissanik nioqqutissat pillugit Inatsisartut inatsisaat naapertorlugu imigassanik aalakoornartulinnik tunisassiornissamut akuersissutip saniatigut)
7. Apeqquut 6 aappimik akineqarpat:
 - a. Inatsit suna naapertorlugu akuersissut piumasaqaataava?
 - b. Akuersissut imigassanut aalakoornartulinnut aalajangersimasunut killilerneqarpa (ass. immiaaqqanik tunisassiornissamik akuersissut, vinninik tunisassiornissamik akuersissut, imigassanik kimittuunik tunisassiornissamut akuersissut)?
 - c. Akuersissutit piffissakkut killiligaappat?
8. Atuisunut imigassanik aalakoornartulinnik tuniniaanermi akuersissuteqarnissaq piumasaqaataavoq, tak. Imigassaq pillugu Inatsisartut inatsisaat. Inatsisartut inatsisaanni § 39 naapertorlugu Naalakkersuisut Inatsisartut inatsisaata eqquutsinneqarneranik nakkutilliisuupput. Taamaattoq kommunalbestyrelsi akuersissutinut akuersisartuuvoq. Suliffeqarfiit suut inuinnarnillu ataasiakkaanik pigineqartut suliffeqarfiit suut imigassanik

aalakoornartunik akulinnik atuisunut tuniniaasinnaanermut akuersissuteqarnerannik Naalackersuisut ilisimasaqarpat?

9. Apeqqut 8 aappimik akineqarpat:

- a. Suliffeqarfiit qanoq amerlatigisut imigassanik aalakoornartulinnik tunisassiornissamut akuersissutaatillit, atuisunut tuniniaanissamut akuersissutininik pigisaqarpat, suliffeqarfiillu taakku qanoq nalunaarsorneqarsimappat.**

10. Uumasut nakorsaata suliffeqarfinnik taakkunannga nakkutilliinerani malitassiat suut najoqqutarineqartarpat?

11. Qanga kingullermik illoqarfinni nunaqarfinnilu assigiinngitsuni, suliffeqarfinnik inunnik ataasiakkaanik pigineqartunik tunisassianik siuliani taaneqartunik immiornissamut akuersissummik tunineqarsimasunik, uumasut nakorsaat nakkutilliilluni misissuiva?

12. Siuliani apeqqutitut allanneqartunut tunngatillugu Naalackersuisut allanik paasissutissiissutissaqarpat?

(Inatsisartunut ilaasorta q Stine Egede, Inuit Ataqtigii)

Tungavilersuut:

Amerlanerujartuinnartut Kalaallit Nunaanni iluatsittumik tunisassianik assigiinngitsunik ethanolinik akulinnik tunisassiassanik immiortarput.

Taakku pillugit siuliani apeqqutit aallaavigalugit paasisaqarnerujumavunga.

Ullut suliffiit qulit qaangiutsinnagit akissuteqarfigineqarnissara qinnutigaara.